



Georgius Salisburgi natus & educatus, multis animi & corporis uirtutibus fuit exornatus. Nam adolescens adhuc Cæsarum castra in Italiam secutus, multis prælijs interfuit, atq; in Papiensi pugna, anno millesimo quingentesimo uigesimo quinto, sibi magnum nomen comparauit. Vnde etiam postmodum in Gallia & Vngaria ordines duxit, & res ubique sibi commissas fortiter administrauit. In bello Smalkaldico Cæsari præclaram operam nauauit, atq; ob rei bellicæ peritiã inter milites in magna autoritate fuit. Habitauit is postea Ratisbonę, atq; ueneranda canitię insignis ad septuagesimum quintum annum peruenit. Tandem etate fessus Ra-

tisbonæ obiit, & ibidem honesta sepultura decoratus fuit; anno 1565 in Quadragesima, aliquot dies antè quàm ego, in mea per Germaniam peregrinatione, Ratisbonam uenissem. Anon.